



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400; 726 412
fax. +387 33 726 423
e – mail: info@voda.ba

Broj: **UP-1/21-1-40-539-4/22**

Datum: **01.11.2022. god.**

„Agencija za vodno područje rijeke Save“ Sarajevo rješavajući po službenom zahtjevu «Agencije za vodno područje rijeke Save» Sarajevo podnesenom putem „Sektora za upravljanje vodama“ za rekonstrukciju zaštitnog vodnog objekta - savskog odbrambenog nasipa uz desnu obalu rijeke Save na području Srednje Posavine, dionica km 31+315 - km 32+950, na osnovu člana 109. stav (1) tačka 8. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“ broj 2/98, 48/99 i 61/22), **donosi**

RJEŠENJE **o prethodnoj vodnoj saglasnosti**

1. Podnosiocu zahtjeva, «Agenciji za vodno područje rijeke Save» Sarajevo podnesenom putem „Sektora za upravljanje vodama“, daje se prethodna vodna saglasnost za rekonstrukciju zaštitnog vodnog objekta - savskog odbrambenog nasipa uz desnu obalu rijeke Save na području Srednje Posavine, dionica km 31+315 - km 32+950, u dužini od oko 1,7 km, općina Domaljevac-Samac, a u postupku pribavljanja urbanističke saglasnosti.
2. Prethodna vodna saglasnost se daje sa rokom važenja od tri (3) godine od dana pravosnažnosti ovog rješenja, u kojem roku se podnosilac zahtjeva treba obratiti za izdavanje vodne saglasnosti.
3. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod slijedećim uslovima:
 - 3.1. Izraditi dokumentaciju za građenje koja treba biti urađena i revidovana od strane pravnih lica koji imaju ovlaštenje (lista «A»), pribavljeno od strane Federalnog ministarstva poljoprivrede, vodoprivrede i šumarstva, a sve u skladu sa članom 5. stav (2) i stav (4) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22).
 - 3.2. Projektnom dokumentacijom treba dati rješenje rekonstrukcije - nadgradnje zaštitnog vodoprivrednog objekta - savskog odbrambenog nasipa uz desnu obalu rijeke Save, dionica km 31+315 - km 32+950, na području Srednje Posavine, općina Domaljevac-Samac, a kroz projekat zadovoljiti slijedeće uslove:
 - Da osovina krune rekonstruisanog nasipa prati trasu postojećeg nasipa;
 - Da niveleta krune nasipa bude 1,20 m iznad nivoa stogodišnje velike vode rijeke Save na tom potezu uvažavajući do sada izvede radove na drugim dionicama nasipa;
 - Da se kosine nasipa izvedu u nagibu koji će osigurati stabilnost nasipa, a naročitu pažnju obratiti za slučaj naglog sniženja nivoa rijeke Save;
 - Da se na bazi rezultata geotehničkih istražnih radova provedu stabilitetne analize nasipa i tehnologije izvođenja radova na nadvišenju postojećeg nasipa;
 - Da se predvidi šljunčanje krune nasipa i na odgovarajući način riješi poprečna odvodnja kolovozne konstrukcije;
 - Da se predvidi da se kosine nasipa zaštite humuziranjem i zatravljanjem;
 - Da se u okviru projekta definiše i lokacija pozajmišta materijala podobnog za izgradnju odbrambenih nasipa.
- Projektna dokumentacija treba da bude urađena na zakonski zahtijevanom nivou za izvođenje radova i da sadrži potrebne analize i proračune, tehnički opis i uslove izvođenja, nacрте, te predmjer radova.
4. Po izradi dokumentacije iz tačke 3. dispozitiva ovog Rješenja, korisnik prethodne vodne saglasnosti dužan je da ovaj Agenciji podnese zahtjev za izdavanje vodne saglasnosti. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata.

Uz zahtjev se prilaže:

- 4.1. Revidovan glavni projekat izrađen u skladu sa uslovima iz dispozitiva ovog rješenja;
 - 4.2. Kopija rješenja o upisu u sudski registar i identifikacioni broj;
 - 4.3. Kopija uvjerenja o poreznoj registraciji;
 - 4.4. Rješenje o urbanističkoj saglasnosti za predmetni vodoprivredni zaštitni objekat.
5. Ovu prethodnu vodnu saglasnost podnosilac zahtjeva će koristiti u postupku dobijanja urbanističke saglasnosti i ona definiše sve uslove koji se trebaju ispuniti sa aspekta voda u skladu sa Zakonom o vodama.
6. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, potrebno je navesti te okolnosti u zahtjevu za izdavanje vodne saglasnosti.

O b r a z l o ž e n j e

Podnosioc zahtjeva, «Agencija za vodno područje rijeke Save» Sarajevo putem "Sektor za upravljanje vodama", je dostavio zahtjev za izdavanje prethodne vodne saglasnosti za rekonstrukciju zaštitnog vodnog objekta - savskog odbrambenog nasipa uz desnu obalu rijeke Save na području Srednje Posavine, dionica km 31+315 - km 32+950, u dužini od oko 1,7 km, općina Domaljevac-Šamac.

Uz zahtjev je dostavljena i pregledana slijedeća dokumentacija:

- Kopija Rješenja o izmjenama podataka u sudskom registru Općinskog suda u Sarajevu, broj: 065-0-Reg-12-003767 od 28.11.2012. godine izdato od strane Općinskog suda u Sarajevu,
- Kopija uvjerenja o poreznoj registraciji, Porezna uprava FBiH - Kantonalni porezni ured Sarajevo, od 14.12.2012 godine,
- Glavni projekat: „Rekonstrukcija savskog odbrambenog nasipa na području Srednje Posavine na dionici km 31+315 - km 32+950, pored naselja Bazik, dužine cca 1,7km" urađen od strane „Spreča" d.d. Tuzla, avgust 2022. godine – na uvid i isti se nalazi u biblioteci Agencije.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 12.10.2022. obaviještena javnost putem obavještenja na oglasnoj ploči «Agencije za vodno područje rijeke Save» Sarajevo i u dnevnom glasilu „OSLOBODENJE". U datom roku nije bilo pisanih izjašnjenja o predloženim aktivnostima iz zahtjeva.

U provedenom postupku konstatovano je slijedeće:

Branjeno područje od velikih voda rijeke Save na prostoru Srednje Posavine čini nizinski dio terena zaokruženog vodotocima Sava, Bosna i Tinja, te terena na obroncima planina Trebave i Majevice. Zaštita ovog područja vrši se putem zaštitnog vodoprivrednog objekta, savskog odbrambenog nasipa od sela Krepšić do Šamca u ukupnoj dužini od 45,6 km. U novije vrijeme je izvršena sanacija na cijeloj dužini nasipa u Srednjoj Posavini i djelimična rekonstrukcija na pojedinim dionicama nasipa, ali je u cilju poboljšanja stepena zaštite od velikih voda planirano da se uradi nadvišenje krune nasipa na cijeloj dužini u visini od 1,20 m u odnosu na nivo voda ranga pojave Q100. Trasa rekonstruisanog nasipa treba da prati trasu postojećeg nasipa. Ukupna dužina nasipa koji je obuhvaćen ovom prethodnom vodnom saglasnošću iznosi oko 1,7 km. Realizacijom ove etape će se približiti postizanju cilja - dovršetak linije zaštite od poplava i postizanje stepena zaštite do nivoa koji odgovara značaju branjenog prostora i obimu štete koja bi mogla nastati eventualnom poplavom uzrokovanom velikim vodama propisanog ranga pojave. Pod rekonstrukcijom i nadvišenjem postojećih nasipa se podrazumijevaju sve mjere na dovršenju izgradnje započetih objekata, te rekonstrukciji postojećih vodnih građevina i objekata na odgovarajuće mjerodavne parametre i dimenzije u skladu sa usvojenim nivoom zaštite. Polazni uslovi pri projektiranju rekonstrukcije su: uvažavanje činjenice da je ograničen prostor na branjenoj strani (komasirano područje, put i sl.), mogućnost za paralelna pozajmišta materijala i analiza koštanja varijantnih rješenja. Projektnom dokumentacijom će se obuhvatiti, između ostalog, prilazne i prelazne rampe. Nadogradnja postojećeg nasipa treba da se vrši uz proširenje prema vodnoj strani tako da se branjena strana zadržava u približno istom obliku što problem rješavanja imovinsko – pravnih odnosa svodi na minimum.

Nadvišenje treba izvesti na način da se uradi zasjecanje pokosa, te proširenje i nadvišenje trupa nasipa uz korištenje glinovitog materijala i prelaganjem upotrebljivog materijala dobivenog iz zasjecanja nasipa.

Nakon uvida u dostavljenu dokumentaciju konstatovano je da sa aspekta sektora voda ne postoje smetnje da se Investitoru izda tražena prethodna vodna saglasnost uz propisane uslove, pa je riješeno kao u dispozitivu rješenja.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na režim voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama Zakona o vodama i odredbama Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je Investitor dužan ispuniti prilikom izrade projektne dokumentacije koja će Investitoru biti potrebna u postupku pribavljanja vodne saglasnosti i odobrenja za građenje, te je doneseno rješenje kao u dispozitivu.

Uputa o pravnom lijeku:

Protiv ovog rješenja može se uložiti posebna žalba Federalnom ministarstvu poljoprivrede, vodoprivrede i šumarstva Sarajevo u roku od 15 dana od dana prijema ovog rješenja.

Žalba se predaje Agenciji za vodno područje rijeke Save (ul. Hamdije Čemerlića 39.a Sarajevo), neposredno pismeno, usmeno na zapisnik ili preporučeno putem pošte. Žalba se taksira sa 15 KM federalnih taksi po Tar. br. 3. tarife federalnih administrativnih taksi.


Voditelj postupka:

Nihad Pezo, dipl.inž.građ.

Prilog:

Glavni projekat: „Rekonstrukcija savskog odbrambenog nasipa na području Srednje Posavine na dionici km 31+315 - km 32+950, pored naselja Bazik, dužine cca 1,7km" urađen od strane „Spreča" d.d. Tuzla, avgust 2022. godine.

**Po ovlaštenju
Rukovodilac sektora za izdavanje
vodnih akata**


Haris Ališehović, dipl.inž.građ.

Dostaviti:

- «Agencija za vodno područje rijeke Save», Sektor 10 (Sa prilogom);
- AVP Sava, ISV-vodna knjiga – ovdje;
- ⊖ Arhiva – ovdje;
- AVP Sava – Oglasna ploča